


Til Formannskapet i Lindås Kommune v/Rådmannen.



Friidrettslaget AKS-77 har ca. 150 aktive medlemmar, av desse er ca. 120 i alderen 7-20 år

All trening foregår på Knarvik Stadion i sumarhalvåret (april-oktober). Om vinteren er det trening 2-3 ganger pr. veke i Leikvang Friidrettshall v/Breistein i Åsane for aldersgruppa 10-20 år og i Nordhordlandshallen kvar tirsdag for dei under 10 år. Mellom og langdistansegruppa trenar stort sett i Knarvik heile vinteren (på friidrettsbana og i Brekkeløypa)

Aks-77 har for tida to jenter (16 år) som har kvalifisert seg for rekrutteringslandslaget og på norgesmesterskapet for senior i 2016 var laget representert med tre utøvarar.

AKS-77 har for tida 13-14 trenarar og me er i gang med å utdanna 17 nye friidrettsdommarar.

I forbindelse med at AKS-77 skal arrangera Norgesmesterskap i friidrett for veteraner 23.-25. Juni 2017 er det ein del utstyr som manglar for å få arrangementet i havn.

Det har vore søkt om og påpeika fleire ganger for kommunen (2007-2013-2015-2016) at dette er heilt nødvendig utstyr for at *Knarvik Stadion skal vera eit fullverdig friidrettsanlegg*.

Lindås Kommune har kjøpt inn ein del utstyr desse åra.

Dette er utstyr som me søker om at Lindås Kommune skal kjøpa inn:

4 stk regulerbare hinder a kr.4890.-	kr 19560.-
25 stk hekkar a kr. 1550.-	kr 38750.-
5 stk resultattavler a kr. 6990.-	kr. 34950.-
1 stk tidtakarutstyr elektronisk	kr 158890.-

Totalt	kr.252150.-
--------	-------------------

Dette er utstyr som me har bruk for til dei aller fleste stevna som vert arrangert på Knarvik Stadion.

AKS-77 har sidan 2014 skaffa tilveie utstyr for over 300 000 kr. til friidrettsanlegget i Knarvik, i tillegg vert det kjøpt inn utstyr for hopp og kastøvelsar for om lag 30 000 kr. kvart år.

Laget har og gjort ein betydelig dugnadsinnsats på friidrettsanlegget dei

seinere åra: Bygging av hus over høyde og stavmatter, støyping av ny kuling, montering av stopplankar på to kuleringar, reparert og forsterka sikkerhetsbur for sleggekast, arbeid i forbindelse med grusing av kastbana, rep.sarg rundt heile løpebane etter reingjeringsarbeid av spurtandekket, installalert strømuttk 3/63 A på tribunevegg.

I tillegg var det stort sett folk frå AKS-77 som måtte vera "byggeleiar" under rehabiliteringsarbeidet med anlegget i 2015.

AKS-77 er glad for det arbeidet som vart utført på anlegget i 2015 og håpar på at dei siste brikkene kan falla på plass slik at laget kan få gjennomføra dette norgesmesterskapet på ein forsvarlig måte til glede for laget og litt positiv PR. og markedsføring av Lindås Kommune.

Me tar gjerne i eit tak når det trengs meir dugnadsarbeid på anlegget.

For friidrettslaget AKS-77
Arne Reigstad
Leiar for hovedkomiteen for NM
Baneansvarleg i AKS-77.

Knarvik, 03.03.2017

Vedlegg: Liste over innkjøp av utstyr 28/3-07
Synfaring og reprat synfaring
Knarvik Stadion 5/4 - 2013

Lindås Kommune.

Liste over utstyr som må kjøpast inn til Knarvik stadion

30 stk.hekker a kr.890	kr.26700,00	
1 " tjukkas	" 15490,00	
1 " regntrekk	" 2150,00	
1 " piggskotrekk		ca.kr. 3500,00
3 " satsplanke for lengde/tresteg a kr 2330	" 6990,00	
1 " blindplanke for lengde/tresteg	" 1530,00	
2 " plastlina (kitt) til satsplanke a kr.450	" 900,00	
2 " sidematter for stavhopp		ca.kr.12000,00
1 " kastbur slegge/diskos	" 54500,00	alt.kr.27490,00
1 " ny grind m/stag til eks.kastbur		ca.kr. 8000,00
1 " nett til eks. kastbur		" " 5000,00
1 " diskosring	" 1695,00	
1 " kulering	" 1690,00	
1 " stopplanke for kulering	" 2190,00	
8 " startblokker a kr.950,00	" 3800,00	7600
1 " hekkvogn	" 6590,00	
1 " måleband 10m	" 150,00	
1 " " 20m	" 195,00	
1 " " 50m	" 350,00	
1 " " 100m	" 650,00	
1 " høgdelist	" 550,00	
1 " startpistol	" 995,00	
1 " vindmåler	" 5500,00	

Prisane er eks.moms

kr 132615,00 ca.kr.28500,00

Me kjem og til å innhenta pris på elektronisk måleutstyr for kastøvelser

Knarvik,28.3.07

FIL. AKS-77

Arne Reigstad

Til Lindås Kommune v/Rådmannen
Kvernhusmyrane 20
5914 Isdalstø

Knarvik, den 05.04.13

I forbindelse med at Friidrettslaget AKS-77 skal arrangere fleire større friidrettsstevner på Knarvik Stadion i løpet av 2013, vart det halde ei synfaring på friidrettsanlegget 5/4-2013. Dette vart gjort for å få ei heilheitsvurdering av tilstanden til Knarvik Stadion og til utstyr som vert nytta ved friidrettsarrangement.

Med på synfaringa var:

Frå Lindås Kommune	Atle Våge og Einar Færø
Norges Friidrettsforbund	Tore Hordnes, Nestleiar
Hordaland Friidrettskrets	Helge Brekke, Leiar
FIL AKS-77	Arne Reigstad, bane og utstyrsansvarleg i FIL AKS- 77, samt medlem i Anleggsutvalet i Hordaland Friidrettskrets

A. Friidrettsstevner som skal arrangerast på Knarvik Stadion i 2013:

03. august:	Norgesmesterskap i kastfemkamp veteraner
31. august:	Norgesmesterskap i halvmaraton (i forbindelse med KnarvikMila)
21.-22.september:	Interkretskamp mellom Rogaland, Hordaland, Sogn og Fjordane og Møre og Romsdal (250-300 friidrettsutøvarar)

I tillegg kjem dei årvisse stevna som AKS-Leikane 25.mai, 6 seriestevner og KnarvikMila arrangementet.

B. Utbetringar som må utførast før desse stevna kan arrangerast:

1. Oppretting av grusbana (påfylling av grus) *delvis utført*
2. Nytt sikringsnett på kastbur grusbana *utført*
3. Sarg rundt løpebane må setjast i stand-fornyas
4. Ny sarg-planke mot grasbana i søre hoppegrop
5. Nye satsplankar for lengde-tresteg *utført (delvis)*
6. Slipa, eventuelt påstøyp i kulinging grasbana *utført (delvis)*
7. Ny stopplanke i same kulinging *utført (delvis)*
8. Hinder for hinderløp må kunna justerast etter dagens krav

9. Portane i gjerdet rundt grusbana må kunna stengjast slik at ikkje grusbana vert nytta som gangveg (svært mange farlege situasjonar har allereia oppstått)

C. Utstyr som manglar eller er mangelfullt:

1. Høgdehoppsmatter
2. Stavhoppsmatter
3. Høgtalaranlegg av svært dårlig kvalitet
4. Fast opplegg av straumuttak (230V-63A og 400V-125A) på tribunemur (i forbindelse med KnarvikMila). Hadde synfaring på dette med Lindås Kommune 25/1 2013. *230V-63A utført (elagning)*

D. Arbeid som må planleggjast og utførast dei næraste åra:

1. Rehabilitering av spurtandekket, løpebane
2. Lysanlegg på hovudbana
3. Avtale med Nordhordland Ballklubb om løyve til bruk av rom til tidtakarutstyr og betre tilgang til lokalet.

Som det går fram er det ein del ting som må fornyast og reparerast på anlegget og ein del av desse punkta har vorte peika på overfor Lindås Kommune i tidlegare rapportar.

Skal FIL AKS-77 kunna arrangera stevner med god kvalitet og tryggleik håpar me at Lindås Kommune kan sjå seg råd til å halda det einaste fullverdige friidrettsanlegget i kommunen i den stand som krevst.

FIL AKS-77 har brukt nær tre millionar på anlegget i Knarvik, men me tar gjerne i eit tak dersom kommunen treng innspel eller dugnadskrefter for å få friidrettsanlegget opp i god standar att.

Håpar på snarleg og positivt svar.

Dersom det er ynskjeleg med ytterlegare opplysningar eller det er andre forhold som ynskjes avklart ber me om at underteikna vert kontakta på e-post *arne.reigstad@hordaland.no* eller på tlf 97 71 84 76.

FIL.AKS-77

Arne Reigstad

Kopi: Hordaland Friidrettskrets og Norges Friidrettsforbund,
Lindås kommune, ved Atle Våge og Einar Færø

Referat synfaring Knarvik stadion

Dato: Fredag 05.04 2013

Til stades: Arne Reigstad AKS 77, Tore Hordnes Norges Friidrettsforbund, Helge Brekke Hordaland friidrettskrets, Einar Færø assisterande einingsleiar eigedom Lindås kommune, Atle Vaage driftskoordinator idrettsanlegg Lindås kommune.

Representantane frå friidrettskretsen og AKS peika under synfaringa på ei rekke punkt på Knarvik stadion som treng utbetring. Det vart vist til at mange av desse har vore kjent for Lindås kommune gjennom fleire år utan at noko har skjedd. Det vart vidare vist til at planlagde arrangement i 2013 gjer at det no er viktig at dei mest påkrevde punkta vert utbetra. Lindås kommune vart beden om tilbakemelding innan 30. april, då det denne dato vert avgjort kor vidt eit større stemne i september kan avhaldast på Knarvik stadion.

Tiltak som vart drøfta under synfaringa:

Utbetring av sargen rundt bana: Kan alternativt truleg fjernast og erstattast med spurtandekke og list. Utan godkjent sarg kan ingen resultat godkjennast. Slik det ligg i dag, utgjer det dessutan fare for personskaade.

Kastarena på grusbana: Behov for heving og avretting av grusbana. AKS hevdar kommunen forplikta seg til å stella denne bana i samband med bygging av krøllgrasbana i Knarvik.

Kasteburet på grusbana treng nytt nett. Er såpass slitt at det utgjer sikkerheitsrisiko. I tillegg flytting av portane i kastburet, då opninga er laga for smal. Dette arbeidet kan kommunen gjera med eigne tilsette.

Madrassar stavsprang og høgde: Delar av dette manglar. Her må kjøpast eller lånast inn godkjente madrassar.

Satsplanker lengde og tresteg: Desse er utslitte og må skiftast.

Høgderegulerbare hinder: Manglar per i dag på stadion.

Kulestøt: Betongen i ringen er så slitt at det er vanskeleg for utøvarar å rotera. Må slipast ned og støpast på nytt. Ny stopp-planke må monterast.

Toppssprøyting av spurtandekket.

Betre forhold for tidtaking/speaker i «NBK-brakka». Ønske om vindeltrapp på utsida frå første til andre etasje.

Tråkking av folk over grusbana utgjer fare under trening og stemne for kastarane. Ønske om at det vert montert tette portar og at gangsti vert lagt på utsida av gjerdet i vest.

Ønske om at det vert skaffa matter som kan leggjast på spurtandekket ved kjøring inn og ut med traktor og truck. Dette for å hindra slitasje på eit område ved portane.

Lydanlegget på stadion er gamalt og i dårleg stand.

Representantane frå Lindås kommune peika på at kostnadane med tiltaka er så høge at dei ikkje kan utførast over vanleg driftsbudsjett.

Det blei og spurd om kva AKS eventuelt kan bidra med økonomisk sjølv. AKS og kretsen signaliserte at dei i utgangspunktet meiner tiltaka er av ein slik art at det er eigar av anlegget som bør dekkja kostnaden.

Oppfølging:

Driftskoordinator lagar eit grovt overslag over kostnadar, og sender straks skriv til rådmann og ordførar med førespurnad om moglegheit for å få til ei ekstra løyving politisk til alt eller delar av arbeidet.

AKS sender straks eit formelt skriv til kommunen ved rådmann der klubben listar opp tiltaka dei meiner må gjerast på Knarvik stadion.

Representantane frå Lindås kommune oppmoda AKS om også å fremja sine ønske for Knarvik stadion gjennom Lindås Idrettsråd.

Arne Reigstad er kommunen sitt kontaktpunkt i det vidare arbeidet, og står for vidareformidling av informasjon til kretsen og forbundet.

Atle Vaage - ref